

**Rok President
Henry B. Eyring**

Bin Somm'on e Counselor
u lane Bin Somm'on e Presidency



“Ke Fas ko Yam’”

Mich ko tin riyul’ ko fare Fas ko yam’ ni ke tay Yesus Kristus i’ir e gelngin e ayuw ko athap nge gel bugwaen. Rayog ninge yog ko demturug e bitir ku Got. Woed rogog nap’an e rran ko June 1969 nap’an ni ke yim’ e chitanag, ke yaen bo’or e duw, me yib reb ou’moon ningu mad’anag bayay.

Kirebaen’ ko dar’ ni buchi ngiyal ko yam’ e ke fek loen me pilyeg ko falfelan’. E yaeni ga’ ko athap ko mada’nag nib falfelan’. Bachane’ ke dag Somoel tin yo’or ban’en udakaen e profet Rog nge bachan fare Kan ni Thothup ni ke micheg e tin riyul’ ko Fas ko yam’ ngog, rayogningguy u laniyaen’ug ko mange ra buch u nap’an ni ngug mada’nag bayay e gidii’ nib t’uf rog ni kar machaelboeg mar fas gad ko yam’:

I yaed gubin e girdii’ niyad ra yib u nap’an fare fas ko yam’ ko tin nib mat’aw. . . .

I yaed e girdii’ ni kan yoloey fithingraed u tharmiy, ni bay Got nge Kristus ma pufthinagrad gubin.

I yaed e girdii’ nib machaelboeg udakaen Yesus e bayul ko e michmicheg nib be’ech, ni ke gay e bayul nib machaelboeg udakaen maap racha’en (Mu guyD&C 76:65, 68–69).

Bachane Yesus Kristus ke kirebnag e m’ag ko yam’, urngin e bitir ku Got ni Chitamangdad nu Tharmiy ni kan gargaleg u fayleng e ra fas ko yam’ u lane dowef ni darma yiim’. Ere micheg rog nge micheg rom ko

n’en nib riyul’ e ra thang e kirebaen’ ko yam’ ni ke tay e chongin e tabinaew rom fa fagar rom nge fek loen e faflaen’ nge gel bugwaen.

En Somoel ni ke pii’ fare taw’ath ko fas ko yam’ ngak gubin e gidii’, nira gay e dowdad nib machaelboeg riy’ (mu guy Alma 11:42–44). Chitanag e ra sul nge fel’ yangren mab gel e magal rok, ma gafgow nikan labithir nge gafgow ko dogur e kan thang. Nira yib ngak nge ngodad nireb e taw’ath.

Machane gamad ni guba’adaged ningug paered rok ko manemus thingar ningu me’leged e tin nira thapegdad, ningad pired rok en Chitamangdad nge Fak nib T’uf Rok ufithik fel’ngin. Ni tafen e kemus e gin ni rayog ko tabinaew nira yaen ko manemus. Micheg ko riyul’ nem ni ke gelngin e tafnag rog ningu mang mat’aw nge gidii’ nib t’uf ngog ko bin thabi tolang e tafen ulangin gil’lungun e celestial udakaen fare Bayul ku Yesus Kristus nima muruwel u yafas rodad (mu guy D&C 76:70).

En Somoel ra gay e tapowiy’ ulane e milekag ko yafas nib manemus ulane meylbil ko sacrament nima ayuwegeg ma rayog ni nge ayuwegem. Kan pinningdad ningad biech nged bayay e michmicheg rodad ko tawfe ulane urngin e mo’olung ko sacrament.

Gadad be miichmicheg ningad ted u wun’dad fare Tathapeg. Gali pow ko maligach Rok ra ayuwegdad ningad magaer’aen’dad ko puluwan ni Ke pii’ ninge

kireb nag e kalbus ko yam', ninge pii' e murnguy ngo-daed, me n'ag fan ko fapi denen rodad fa'anra ngad kalngaen'dad.

Gadad be micheg ningad folgad urngin e motochiel Rok. Bi'eg fapi chep nib thothup nge fapi thin ko profet nib fas nge motoyil ko tanon nib yi'iy nap'an e mo'olung ko sacrament era pugran dad ko fapi michmicheg ningad rin'ed. Fare Kan ni Thothup e ra pugran u laniyaen'dad nge gum'racha'dad fapi motochiel thingar ningad folgad riy ko binem erran.

Ulane fare meybil ko sacrament, Got ke micheg ninge pii' fare Kan ni Thothup ngodad (mu guy Moroni 4:3; 5:2; D&C 20:77, 79). Kug pir'eg ko binem e ngiyal' rayog rok Got ninge pii' ngog woed rogon e personal interview. Ir puluweg ngog e tin kug rin' ni ke mat'aw u wuun' Ngay, ba tu'uf rog ninge kalngaen'ug nge n'ag fan, nge pi fithingan nge oewchen e gidii' ni Ire ba'adag ningu pigpig ngak ni Fan.

Tomuren boech e duw, binem e ngiyal' ni ke thiliyeg e athap ninge mang e a'dag nge ke pinning e fel' laniyaen' nge murnguy ni kan pithig ufithik e gum'racha'eg udakaen e Bayul nge Fas ko yam' ni ke tay e en Tathapeg.

Gube micheg ni Yesus i'ir en Kristus ni ke fas ko yam', en Tathapeg rodad, nge bin thabi machaelboeg e pow nge tapowiy' ko yafas nib manemus.

ROGON NI NGAN FIL KO BINEY E MULWOL

Ngad "ta'areb nag gubin e chep nib thothup ngodaed, ni gomanga fel' rogmaed riy nge na'ab romaed" (1 Nephi 19:23). Lemnag ningam bi'eg e gali meybil ko sacrament, ni bay u Doctrine and Covenants 20:76–79. Ma tomuren kam biy'eg e mafil ku President Eyring marngagaen fagli meybil ko sacrament, sna gaba'dag ningam pinning e gidii' ni gama machib ngak ningar lemnog boech e rogon ni gali meybil ney era powiy'nog e yafas ma ayuwegraed ningar sulweg mar thapgad ku Got ni Chitamangdad nu Tharmiy nge Yesus Kristus bayay.

FAL' YANGREN

Mo'olung Romew Got

President Eyring e kefil ni nap'an ngad motoyilgaed ko gali meybil ko sacrament ney, rayog ningad thamiyed ni gadad be mo'olung ku Got. President Eyring ma lemnag delip e pin'ey. Mu lemnag ningam yoloey fapi duwer ney ulane babyor rom mag sulngadaeken gubin e Madnom ko biney e pul. Nap'an ngam sul ngadakaen mag thapeg e lem ko fare Kan ni Thothup, rayog ningam yoloey e tinem ulane babyor rom.

- Mang e kug rin' ni ke falfalan' Got ngay?
- Mange tin thingar ningu kal'ngaen'ug riy fa ngug fith ni ngan n'ag fan rog'?
- Mini' e ba'adag Got ningu pigpig ngak?



Mich, Tabinaew, Ayuw

Michmicheg ko Temple

Mu fil e re n'ey, ma rogon nib mangil, mag weliy ko boech e walagey nib ppin ni gabe guy. Mu murwel ko pi duwer ni nge ayuweg nem ni nge gel nag e pi walagem nib ppin man fal'eg fare Relief Society e bang ko yafas rom nib mangil. Ra tin ni ga ba adag ni ngam nang, man ko www.reliefsociety.lds.org.

Yad be nang fan ni pi ga'ming ni yibe ayuweg e be yog u lane temple e be pag dad ni ngeyog ni ngad suled ko Chitamangdad u Tharmiy ko tabinaew nib manemus man paer u fithik e pi tawa'ath nge gelngin ni yib u tolang ko gubin e n'en ni kan rrin' nge murwel.¹ ke yog i President Thomas S. Monson. Fa'anra dawrum man nga temple, rayog ningam taermedliy ko gam'ing nib thothup ko temple nap'an:

- Michuwaen'um ko Chitamangdad nu Tharmiy, Yesus Kristus, nge fare Kan ni Thothup.
- Chathowliy e mich ko fare Bayul ku Yesus Kristus nge gospel nikan fulweg.
- Sustain nag mag fol ko fare profet ni ba fas.
- Mang mat'aw ko temple recommend udakaen e pii' e tithing, paer nibmachaelboeg, mog yog e tin nib riyul', fol ko Thin ko Gonop, mu paer nib fel' rogon ko fapi machib ko fare Galasia.
- Pii' e tayim rom, tin nigab salap riy, nge tirom ningan ayuweg i toey gil'lungun Somoel.
- Un ko muruwel ko chep ko tabinaew rom.²

President Monson e ke fil, "Nap'an ngad pug urran e m'ag ni gadadma tay ulan [fare temple], ra gay gelingdad ningad thapgad u urngin e sikeng mara gelnagdad ko urngin e lumel."³

Keb ko pi Chep nib Thothup

Doctrine and Covenants 14:7; 25:13; 109:22

Cheppin Rodad

"Ba pag urngin 5,000 e Gidii'en Got nikar mo'olung gad ko fare Temple u Nauvoo u tomuren nikan thothup nag. . . .

"Fare gelngin, nge mat'won, nge taw'ath ko fapi m'ag ko temple [duruwiy] Gidii'en Got ko Tin Tomur erran u nap'an e milekag nga [lelu'och], nap'an kar [gafgowgaed] ko olum, gwael, bilig, dariy' salpiy, mar', mad'ad, nge yam'.⁴

Woed bo'or e walagdad nib ppin ko Relief Society, Sarah Richland nike pigpig ulane temple. Ke weliy marunga'gen e tin ni ke buch rok: "Fa'anra dariy' e mich nge lowaen' ni kan pii' ngomad ulane fare temple nem ko . . . fare Ya'el ku en Somoel, ma milekag romad era woed bee' ni ke tim'og nga ufithik

e lumoer. . . Machane bay michuawaen'mad ku Got ni Chitamangdad nu Tharmiy, . . . thamiyed ni gamad e gidii' ni Ke me'leg . . . , me susune u fithik e kirebaen, machane kug thamiyed e faflaen' ni fare rran ko thap e ke yib."⁵

Fare exodus i'ir e gathi ba "burgurtal ufithik e lumoer" ko Gidii'en Got nib ppin ko Tin Tomur Erran nib michaen'. Kan gay e fel' wa'athread udakaen e gam'ing ko temple.

NOTES

1. Thomas S. Monson, "Fare Thothup ko Templ—ba Beacon ko Fayleng," *Liahona*, May 2011, 92.
2. Muguy ko *Daughters in My Kingdom: The History and Work of Relief Society* (2011), 21.
3. Thomas S. Monson, *Liahona*, May 2011, 93.
4. *Daughters in My Kingdom*, 29–30.
5. Sarah Rich ko *Daughters in My Kingdom*, 30.

Mange Rayog Nggu Rin?

1. Gube liyoer ulane temple gubin ngiyal?
2. Gube gay rogon ni ngug ayweg e pi walageg nib ppin ningar athapeged fapi taw'ath ko temple?